






## Нийтлэлчийн булан

# Бизнес өсөлтийн мөчлөгт шилжлээ

**Худалдааны салбарын борлуулалт өссөн нь бизнест эерэг дохио**

**Б.Баяртогтох**  
@bayartogtokhZGM



С.Батсайхан / ЗГМ

Чихэнд чимэгтэй, нааштай мэдээ дуулгая. Ийм мэдээ сонсолгүй их удсан байна. Бизнесийн орчинд хуралдаад байсан хар үүл замхарч, энэ орон зайг дүүргэх гэгээ татаж эхэллээ. Ашиг, орлого гэдгийг бараг л мартчихсан явсан аж ахуйн нэгжүүдийн үйл ажиллагаа ялимгүй сэргэж байна. Тодруулбал, энэ оны эхний улиралд эдийн засаг 4.2 хувиар өссөн нь үүнийг илүү тодотгож өглөө. Алдагдал хүлээж, өр зээлийн шахаанд орсон хувийн хэвшлийнхний нуруу тэнийх цаг дөхсөөр. Төгрөгтэй харьцах ам.долларын ханш тогтворжиж, төлбөрийн тэнцлийн өндөр алдагдал хумигдав. Эдийн засгийн уналт зогсож, өсөлтийн мөчлөгт аажмаар шилжлээ. Энэ буухиагай хамт өөдрөг үзүүлэлтүүд сонор мялааж байна.

Азийн хөгжлийн банк болон Дэлхийн банкны 2017 оны таамгийг дээрх эрчээрээ манай улсын эдийн засаг эвдэж мэдэхээр байна. Оны хоёр болон гуравдугаар улиралд бүтээн байгуулалт идэвхжиж, их ажлын нүргэн дунд барилга, уул уурхай, дэд бүтэц, хот байгуулалтын салбарынхан илүү завгүй байдаг үе ирлээ. Гадаад валютын ханшийн дарамтад ороод байсан дотоодын компаниуд амьсгаа авч, борлуулалтын орлого нь өсөлтийн зүг заав.

Ажилтнаа цомхотгож, үйл ажиллагааны зардлаа танаад байсан аж ахуйн нэгжүүд

ирээдүйгээ илүү өөдрөгөөр харж, ажлын зар түгээх боллоо. Аж ахуйн нэгжийн үйл ажиллагаа сэргэх хэрээр ажилтай, орлоготой монгол хүний тоо нэмэгдэнэ гэсэн үг. Өрхийн орлого өсөх тусам бараа, бүтээгдэхүүний борлуулалт сайжирч, эдийн засаг дахь мөнгөний эргэлт эрчимжинэ. Ингэснээр хөрөнгө оруулалт нь саатчихсан төслүүд амилж, тэнд ажлын байр шинээр бий болж, ядуурлыг үүсгэж буй ажилгүйдлийн түвшин аажмаар буурна. Энэ зүй тогтлоор эдийн засаг тамир суух учиртай.

Худалдааны салбарын нийт борлуулалт энэ оны эхний улиралд 2.7 их наяд төгрөг болж, өнгөрсөн оны мөн үетэй харьцуулахад 28.4 хувиар нэмэгдсэн. Энэ нь хямралын сүүдэр холдож байгааг илтгэнэ. Баялаг бүтээгчид ч үүнийг чамласангүй. Он дамнан үргэл-

жилсэн хүндрэлийн шарх ийнхүү илааршиж, бизнесийн орчинд өөдрөг тоон үзүүлэлтүүд ажиглагдах болов. Агшиж байсан худалдааны салбарын борлуулалт зөвхөн нэг улиралд 606.9 тэрбум төгрөгөөр өссөн нь бизнест эерэг дохио болж байна. Борлуулалт сэргэсэн нь иргэдийн худалдан авах чадварт оруулалт нь саатчихсан төслүүд ахиц гарч байгаагийн илрэл юм. Бараа, бүтээгдэхүүн худалдан авах хүмүүсийн эрэлт, хэрэгцээ өмнө нь буурч байсан бол одоо эсрэгээрээ нэмэгдэж байгааг дуулгахад үнэхээр таатай байна. Дефляцийн аюул нэг мөр холдож, инфляцийн хэвийн өсөлт эдийн засагт тогтох нь.

Дефляцийн үзэгдэл нь бараа үйлчилгээг худалдан авах хүмүүсийн эрэлт, хэрэгцээ буурснаар үйлдвэрлэгч компаниуд өөрсдийн бүтээгдэхүүнээ хямд үнээр борлуулж, үүнээсээ

алдагдал хүлээхэд хүргэдэг үр дагавартай. Үүнийг бизнес эрхлэгчид даваад гарч байна. Улсын хэмжээнд 73.3 мянган аж ахуйн нэгж бүртгэлтэйг Үндэсний статистикийн хорооноос танилцуулсан юм. Үүдээ барьсан аж ахуйн нэгжүүдээс үлдсэн нь 73.3 мянгаар хэмжигдэж байна. Тэдний гуравны нэг буюу 28.1 мянга нь бөөний болон жижиглэн худалдааны салбарт үйл ажиллагаа эрхэлж буй аж ахуйн нэгжүүд.

Эдийн засгийн хүндрэлийг хамгийн ихээр мэдэрсэн хэсэг бол бөөний болон жижиглэн худалдааны салбарынхан. Энэ салбарын үзүүлэлт нэгдүгээр улиралд өндийж, богино хугацаанд сэргэлт авлаа. Өнгөрсөн оны мөн үетэй харьцуулахад жижиглэн худалдааны борлуулалт 282.9 тэрбум төгрөгөөр өссөн бол

бөөний худалдааны 324 тэрбум төгрөг болж, алдагдлаа бага зэрэг нөхлөө. Худалдааны салбарын борлуулалтын 90 гаруй хувь нь нийслэлд ногдож байгаа. Эдийн засгийн идэвхтэй хүн амын 60 орчим хувь нь төвлөрч буй хот, суурин газарт бизнесийн үйл ажиллагаа илүү идэвхжиж байна.

“World Economics” байгууллагаас гаргасан манай улсын борлуулалтын менежерүүдийн индекс тавдугаар сард сэргэлтийн бүс рүү орсон талаар мэдээллээ. Индексийн голлох үзүүлэлт болох зах зээлийн өсөлтийн индекс сүүлийн гурван жилийн хамгийн өндөр түвшинд хүрсэн байна. Бизнесийн итгэлийн индекс тасралтгүй өссөн хэвээр байгааг “World Economics” онцоллоо. Борлуулалтын менежерүүдийн индексийг дотоодын нийт бүтээгдэхүүний 30-аас доошгүй хувийг бүрдүүлэхэд хувь нэмрээ оруулдаг томоохон компаниудын худалдааны менежерүүдээс авсан судалгаан дээр үндэслэн гаргадаг. Индексийн үзүүлэлт 50 нэгжээс дээш байвал эдийн засаг тэлж байгаагийн шинж.

Итгэл алдарсан хөрөнгө оруулагчид Монголд дахин боломж олгохоор шийджээ. Тухайлбал, уул уурхайн төслүүд бизнесийн орчны эерэг хандлагыг мэдэрч эхэлсэн байна. Аж ахуйн нэгжүүд тасралтгүй хумигдаж байсан ашиг орлогоос үүдэн хөрөнгө оруулалтаа танасан. Тэгвэл энэ үе ард хоцрох нөхцөл бүрдэж буй юм. Хувийн хэвшил Монголын эдийн засгийн 80, ажлын байрны 75 хувийг бүрдүүлдэг. Энэ утгаараа дотоодын нийт бүтээгдэхүүний өсөлт, уналтыг тодорхойлох нь бий. Бизнесийн үйл ажиллагаа жигдэрч, сэргэнэ гэдэг та бидний ажлын байр баталгаажих, өрхийн орлого нэмэгдэх эхлэл. Тэрчлэн элгээрээ мөхсөн эдийн засагт гэгээтэй тоонууд тодрох тусам хүндрэл, хямрал сургаж болж үлдэнэ гэсэн үг. Монгол Улс бизнест эргэн ирлээ. [ЗГМ]

» Ашиг, орлого гэдгийг бараг л мартчихсан явсан аж ахуйн нэгжүүдийн үйл ажиллагаа ялимгүй сэргэж байна.

» Алдагдал хүлээж, өр зээлийн шахаанд орсон хувийн хэвшлийн нуруу тэнийх цаг дөхсөөр.

» Худалдааны салбарын нийт борлуулалт энэ оны эхний улиралд 2.7 их наяд төгрөгт хүрэв.

» Индексийн голлох үзүүлэлт болох зах зээлийн өсөлтийн индекс сүүлийн гурван жилийн хамгийн өндөр түвшинд хүрсэн байна.

### С.ЦОГТБЯАР ЗУРЖ БАЙНА















© The Financial Times Limited (2015). All Rights Reserved. Not to be redistributed, copied or modified in anyway. ZGM is solely responsible for providing these translated articles and the Financial Times Limited does not accept any liability for the accuracy or quality of the translation.

## Гурван тэрбумын үнэтэй Хонконгийн газар

Henderson-ий өгсөн нийт үнэ Хонконгийн хувьд хамгийн өндөр үнэ болсны зэрэгцээ нэгж үнэ ч дээд хэмжээг тогтоолоо. > 10

## Tencent-ийн мобайл тоглоомын ашиг тэнгэрт хадав

Tencent-ийн мобайл тоглоом, цэнгээнт болон нийгмийн сүлжээний аппууд Хятадын зах зээлд тэргүүлэв. > 10

## Ногоон хувьсгал Африкийн боломжийг нээнэ

Тус тив жилдээ 40 тэрбум ам.долларын хүнс импортлодог авч хөдөө аж ахуйн том үйлдвэрлэгч болох боломж бий. > 10

# Бээжингээс Пакистанд хэрэгжүүлж буй “Зууны төслүүд”

Өрсөлдөж дийлэхээргүй хямд бүтээгдэхүүнийг хятадууд манайд шахна гэсэн айдас бий. Гэхдээ бидэнд Хятадаас өөр сонголт байхгүй” хэмээн тус улсын худалдааны сайд Куррам Дастгир Хан тайлбарлав. Пакистаныг хөрш Энэтхэг төдийгүй, үйлдвэрлэлийн томоохон бааз байгуулж амжсан Бангладештай харьцуулахад эдийн засгийн хүндрэлтэй байгааг сайдын үг нотлов.

Улс төрийн тогтворгүй байдлаас мултартч, дэд бүтцээ хөгжүүлэхээр чармайж буй хөршдөө Бээжин 55 тэрбум гаруй ам.долларын хөрөнгө оруулах төлөвлөгөөтэй. Үүнд цахилгаан станц, авто болон төмөр зам байгуулах дэд бүтцийн төсөл багтаж байна. Хятадын төслүүд ирэх таван жилд дотоодын нийт бүтээгдэхүүний 20 хувийг эзэлж, эдийн засгийг дахиад гурван хувиар өсгөж өгнө хэмээн Пакистаны бизнесийн зөвлөл тооцоолжээ.

Валютын хямралаа шийдвэрлэхэд нь туслах үүднээс Бээжин өнгөрсөн сард нэг тэрбум ам.долларын зээлийг Исламабадад олгосон. Хятадууд хөрөнгө оруулалтаа ашиглан, харьцангуй ядуу хөршийнхөө нөөц баялгийг өөрийн болгож, улс төрийн эрх мэдлээ тогтооно гэсэн иргэдийн айдсыг ийм зээл багагаж өгнө хэмээн Пакистаны бодлого тодорхойлогчид найдаж байна.

**СРЕС тоон үзүүлэлт**  
• 55 тэрбум ам.доллар- Бээжингээс Пакистанд



BBM©

**хэрэглэх төслүүд**  
• 35 тэрбум ам.доллар- Пакистаны эрчим хүчний дутагдлыг арилгах 21 цахилгаан станцад зарцуулах зардал

Пакистаны 20 тэрбум ам.долларын хэмжээтэй худалдааны алдагдлын гуравны хоёр нь БНХАУ-д ноогддог. Хятадаас хөршдөө экспортлох бараа бүтээгдэхүүний хэмжээ 2012 онд 9.3 тэрбум ам.доллар байснаа 2012-2015 оны хоорондох гуравхан жилд даруй 77 хувиар өсөж, 16.5 тэрбум ам.долларт хүрчээ. Энэхүү жолоогүй

өсөлттэй уялдан Бээжингийн төслүүдэд сэжиглэнгүй ханддаг хүмүүс цөөнгүй. “Энэ олон төслийн айдас хүрэм сөрөг тал нь” хэмээн Пакистаны хамгийн том хот, бизнесийн гол төв Карачи дахь ажил хэрэгч нэгэн өгүүлсэн юм.

Хил залгаа хөрш хоёр орны Засгийн газрыг хөндийрүүлэхгүй гэсэн бодлын үүднээс СРЕС-ийг ил тод шүүмжлэх зоригтон гардаггүй. “Хажууд маань аварга хөрш оршиж байгаа. Энэ хөршийн хувьд бид мужаас нь ялгаагүй” хэмээн тэрбээр тайлбарлаж байна. Хятадын талаас дэвшүүлсэн,

СРЕС-ийн хэлэлцээрийн анхны эх хувилбар энэ долоо хоногт Пакистаны Dawn сонинд нийтлэгдсэн нь хүмүүсийн түгшүүрийг ихэсгэлээ. Уг хувилбарт Бээжингийн газрын тос, аюулгүй байдлын бодлогод төдийгүй Шиньжяны өөртөө засах орны хөдөө аж ахуйд амин чухал үүрэг гүйцэтгэдэг, хагас цэргийн байгууллага болох Шиньжяны үйлдвэрлэл, барилгын корпорацид давуу эрх олгох заалт байгаа.

Пакистаны хөрөнгө оруулалтын томоохон компанийн захирал уг заалтыг Энэтхэгт Британийн засаглал тогтох замыг

зассан худалдааны байгууллагын түүхтэй харьцуулж байв. “Бид маш хянуур хандахгүй бол Британийн Ост-Индийн компанийн түүх давтагдаж болзошгүй. Алдаа гаргах л юм бол түүх давтагдаж л таарна” хэмээн тэрбээр анхаарууллаа.

БНХАУ нь СРЕС-ийн хүрээнд дөрвөн үндсэн зорилт тавиад байгаа. Үүнд, Пакистаны өмнөд эргийн Гвадар боомт хүртэл коридор үүсгэх. Уг боомтыг хятадууд санхүүжүүлж, босгон, эзэмших юм. Хоёрдугаарт, цахилгаан эрчим хүчний хүчирхэг сүлжээ байгуулах. Гуравдугаарт, авто болон төмөр замын шугам

“Нэг бүс-нэг зам” төслийн хүрээнд, хэнд нь ашигтайд эргэлзэн байж Бээжин хөрш улсдаа 55 тэрбум ам.долларын хөрөнгө цутгаж байна.

татах. Дөрөвдүгээрт, үүсгэсэн шугамын дагуу эдийн засгийн тусгай бүс бий болгох. Уг тусгай бүсэд ажиллах Хятадын компаниуд татвараас чөлөөтэй ажиллана.

Дэд бүтцийн салбарт Исламабадын хүч хүрэхгүй байгаа ажлыг Бээжин хийж өгнө. Пакистаны цахилгааны хэрэглээний оргил ачаалал зургаан гигаваатт байгаа нь тус улсын цахилгаан станцуудын хүчин чадлаас хэтэрчээ. Энэ нь дунд зэргийн нүүрсний 12 цахилгаан станцын гаргадаг эрчим хүчтэй тэнцэнэ. Одоогоор Пакистаны олон газарт өдөрт хэдэн цагаар тог таслах нь нийтлэг үзэгдэл.

Энэхүү бэрхшээлийг шийдвэрлэхийн тулд Хятадын тал 35 тэрбум гаруй ам.долларын зардал гаргах гэж байгаа нь СРЕС-ийн нийт төсвийн гуравны хоёрыг эзэлж байна. Бээжин Пакистанд дулааны нийт 21 цахилгаан станц шинээр байгуулж өгөх, эсвэл байгуулахад нь туслах юм. Эдгээрийн ихэнх нь нүүрсэн галлагаат дулааны цахилгаан станц. Үүний дунд Пакистаны цахилгааны хомсдлыг хоёр дахин нөхөхүйц эрчим хүч үйлдвэрлэдэг болох юм.

СРЕС-тэй холбоотой бүтээн байгуулалтын ажил Пакистаны хүнд үйлдвэрлэлд хэдийнэ түлхэц өгч эхэлсэн. БНХАУ-аас хэрэгжүүлж буй төслүүдийн ачаар цементийн үйлдвэрлэл гурав дахин нэмэгдсэнийг Пакистаны гол конгломератын нэг Atif Habib компани тайлбарлав.

FT

**ЕРӨНХИЙ САЙД Ж.ЭРДЭНЭБАТЫН БНХАУ-Д ХИЙСЭН АЛБАН ЁСНЫ АЙЛЧЛАЛЫН ТУХАЙ**  
(Тооны хэлээр...)

**АЛБАНЫ БОЛОН АЖИЛ ХЭРГИЙН ХОЁР ТАЛЫН ҮЧЛЭЛТ:**

- 20** - ӨНДӨР АЛБАНЫ
- 8** - ӨРӨНХИЙЛӨГЧ
- 7** - ӨРӨНХИЙ САЙД

**ТОМИЛОЛТ**

**4** - ХОНОГ

- 2 - Ажлын хоног
- 2 - Олон улсын хуралдын хоног

**АЛБАН ЁСНЫ ХЭЛЭЛЦЭЭ**

**1** - /БНХАУ-ын Төрийн Зөвлөлийн Ерөнхий сайд Ли Кэчян/

**21** - САНАМЖ БИЧИГ

**АЙЛЧЛАЛЫН ЗАРИМ ОНЦГОЙ ШИЙДВЭР, ТОХИРОО**

**Тухайлбал,**

- Говийн бүсийн дэд бүтэц, эрчим хүчний том төслүүдэд хөдөлгөө, эрчимжүүлэх
- Хилийн боомтуудын хүчин чадлыг нэмэгдүүлэх, Гашуунсухайт боомтын ажиллах цагийн хуваарийг 12 цаг байсныг 16 цаг болгох зунгах
- Улаанбаатарын гэр хорооллыг орон сууцруулах
- БНХАУ-аас хоёр тэрбум юанын буцалтгүй тусламж үзүүлэх
- БНХАУ-ын Ардын банк Монголбанк хооронд байгуулсан свол хэлэлцээрийн хугацааг сунгах

**ӨГЛӨӨНИЙ ЦАЙ**

**АЖИЛ ХЭРГИЙН ҮЧЛЭЛТ**

**1**

БНХАУ-ын **21** аж ахуйн нэгжийн төлөөлөл болох **50** гаруй бизнес эрхлэгчидтэй

**ЕРӨНХИЙЛӨГЧ**

- БНХАУ-ын дарга Ши Жиньпин
- ОХУ-ын Ерөнхийлөгч В.В.Путин
- Киргиз Улсын Ерөнхийлөгч Алмазбек Атамбаев
- Өмнөговь Улсын Ерөнхийлөгч Раднаг Дугер
- Бүгд Найрамдах Казахстан Улсын Ерөнхийлөгч Нурсултан Назарбаев
- Беларусь Улсын Ерөнхийлөгч Александр Лукашенко
- Аргентин Улсын Ерөнхийлөгч Маурисио Макри
- Узбек Улсын Ерөнхийлөгч Шавкат Мирзиёев

**ӨНДӨР АЛБАНЫ**

- НҮБ-ын Ерөнхий нарийн бичгийн дарга Антонио Гутерреш
- Дэлхийн Банкны Ерөнхийлөгч Жим Ен Ким
- ОУВС-ийн Гүйцэтгэх захирал Кристин Лагард
- Миллардын Холбооны Бүгд Найрамдах Улсын Төрийн зөвлөл Лунг Сэн Су Чан
- Японы Либерал Ардчилсан намын дарга Тосихиро Нобэй

**ЕРӨНХИЙ САЙД**

- БНХАУ-ын Төрийн Зөвлөлийн Ерөнхий сайд Ли Кэчян
- БНХАУ-ын Төрийн Зөвлөлийн Ерөнхий сайдын орлогч Ван Ян
- Унгар Улсын Ерөнхий сайд Виктор Орбан
- БНТУ-ын Ерөнхий сайд Беата Шидлот
- Пакистан Улсын Ерөнхий сайд Наваз Шариф
- Камбожийн Ванг Улсын Ерөнхий сайд Хун Сен
- Эстон Улсын Ерөнхий сайд Яааннарр Дискаль





